

ანდრო ბარნოვმა ძვერის დაზარალებული მოსახლეობა მოინახულა

22 მაისი 2013

ადგილზე გაცნობის მიზნით ძვერაში ანდრო ბარნოვი ჩავიდა და დაზარალებული ოჯახები მოინახულა. ადგილობრივების ინფორმაციით, წყალდიდობა სარწყავი არხის გადავსებამ გამოიწვია, რომელიც პერიოდულად განმენას საჭიროებს. როგორც ძვერელები ამბობენ, სოფლის მოსახლეობის ათამდე ოჯახს დატბორვის პრობლემა 10 წელზე მეტია აწუხებს. ადგილობრივებმა გუბერნატორს დახმარება სთხოვეს. „ამ ეტაპზე გამგეობას ვთხოვთ სარწყავი არხის განმენდაში ტექნიკით დახმარებას, თუმცა აქ არის ტექნიკისათვის მიუდგომელი ადგილები და ასევე სოფლის რუები, რომელთა განმენდა სოფლის ერთობლივი ძალისხმევით უნდა ხდებოდეს. მნიშვნელოვანია, რომ სოფლის თემმა ერთსულოვნება გამოიჩინოს საერთო საქმის მიმართ,“ აღნიშნა გუბერნატორმა.